

/vii intrante mense

mò vènit de Alemannia Anno 1269. Indictione XI. die Sabbati Sancti septima Aprilis, & vènit tunc per Portam Legathie tempore Domini Bartholomæi de Soppo secunda vice Pisani Potestatis.

/ipsius regis

/cum dux prefato

/in proximo

/eiusdem regis

/in quo facta

Postea verò die secunda mensis Maji Dominus Fredericus Dux Austriæ Avunculus præfati Regis Conradi intravit per portam Leonis in civitatem Pisanam cum tota militia, & Pisani Cives cum magna militum & peditum multitudine & comitiva ierunt versùs eum usque ad Cacciarellam Mutronis, faciendo pontes super ipsam Cacciarellam; & per dictos pontes vènit militia prædicta, cum castrum Mutronis esset tunc perditum secunda die Martii præcedentis. Deinde XVII. Calend. Julii die Sancti Viti magnificientissimus Rex prædictus exivit de civitate Pisana per portam de Gualungo pro eundo versùs Romam, Apuliam, atque Regnum. Tamen ante discessum cum exercitu Pisavorum ivit in Comitatum Lucanum ad depopulationem Lucanorum. Et tunc cepimus Campanile Sanctæ Mariæ del Giudice per expugnationem viriliter factam cum magna strage Lucanorum ibidem inclusorum, & ipsum funditus dissipari fecimus. Et etiam combussimus burgum Massæ, Vurnum, & alias multas villas, & loca Lucani districtus usque ad Pontemtectum.

A Copiosissimus exercitus galëarum XXX. & aliorum Lignorum in maxima quantitate exivit de Fauce Arni pro eundo versùs Apuliam atque Regnum in servitium Regis prædicti, ad debellandum Carolum Provinciæ Comitem; & in dictum exercitum ierunt multitudines hominum Pisavorum, videlicet quinque milium & plurium XIV. Calend. Augusti. Et reversus fuit dictus exercitus pridie Calendas Octobris, qui multa mala contulit inimicis Regis prædicti, & castellum dictum à Mare, & alia multa castra & loca destruxit.

B Rex Conradus supradictus, Fredericus Dux Austriæ, Comes Gerardus Pisanus, & quidam alii, qui capti fuerunt post conflictum datum supradicto Regi Conrado à prædicto Carolo, per fautores ipsius Caroli jugulati fuerunt de mandato dicti Domini Caroli Anno 1269. pridie Nonas Novembris.

Clemens Papa IV. obiit Anno 1269. Calendis Decembris.

Eodem Anno de mense Januariò Rex Carolus vènit Liburnam, & eam combussit, & Pisavorum portum destruxit, & totam contratam devastavit, & stetit ibi diebus quindecim.

Ego Michaël de Vico Pisanus Canonicus prædicta scripsi Anno Domini 1371. & die Augusti X. compleri.

F I N I S.

φ Anno domini MCCCXLV de mense Octobris insula Lipari combusta fuit igne infernali sine qui exivit de inferis die de insula.



Marc Ant Pal Re. Inc.